




2013-2014

# Débutant

Document étudié n°4

Lecture de documents anciens

## 1396. – Fonds de la Chambre des comptes Ordonnance de Philippe le Bon.



Phelippe, filz de roy de France, duc de Bourgoingne, conte de Flandres, d'Artois (et) de Bourg(oin)ne palatin, sire de Salins, conte de Rethel et seigneur de Malines, a noz amez (et) feaulx les gens de noz comptes a Dijon salut et dilection. Nous som(m)es recors que pieça nous ordenasmes que touz les deniers qui pourroient yssir des proffiz et emolumens des exploiz de justice de n(ot)re duchié de Bourg(oin)ne feussent tournez et convertiz es reparations (et) substentations de noz chateaulx, maisons, forte(re)sses (et) autres edifices de n(ot)re dit duchié et nous avons entendu que le proffit desdiz exploiz sont si petiz qu'ilz ne peuvent ad ce suffir mais sont demourez et demourent nos diz chasteaulx, maisons, forte(re)sses (et) autres edifices en t(re)s g(ra)nt ruine et desolation qui est en n(ot)re t(re)s g(ra)nt dom(m)age. Pourquoy, nous voulans pourveoir sur ce, avons ordonné (et) ordonnons p(ar) ces p(re)se(n)tes que tout le proffit du sel que nous avons ordonné de nouvel estre mis de par nous en noz greniers a sel de n(ot)re dit duchié dont nous avons baillié le gouv(er)nem(en)t a n(ot)re amé Nicolin Daingneulle, n(ot)re receveur de la Montaigne, soit baillié (et) delivré doresnavant a n(ot)re amé (et) féal maistre Oudart Douay, maistre de noz diz compt(es) ou a son c(er)tain mandement tant (com)m(e) il nous plaira pour ycellui proffit tourner (et) convertir es reparations dessus d(i)tes et non ailleurs. Si vous mandons et se mestier est com(m)ettons que le dit proffit vous faites baill(e)r (et) delivrer par ledit Nicolin audit maistre Oudart ou a son dit mandement en prenant sur ce l(et)res de recepte par lesquelles rapportant nous voulons que ce que ainsi vous aurez fait baill(e)r soit par vous alloé es comptes dudit Nicolin et rabatu de sa recepte senz contredit non obstant ordonnances, mandemens ou deffens(es) contraires. Et vous deffendons expressement que se aucuns des deniers dudit proffit estoient baillez aut(re)ment, vous n'en allouez

Archives départementales de la Côte-d'Or  
www.archives.cotedor.fr





2013-2014

# Débutant

Document étudié n°4

Lecture de documents anciens

ou passez aucu(n)e chose en compte car nous en avons osté (et) ostons du tout le gouv(er)nement a n(ot)re tresorier, a n(ot)re receveur general de noz diz duchié (et) conté de Bourg(oi)ngne et a tous autres et ne voulons qu'ilz s'en entremettent en aucune maniere. Donné a Dijon le second jour du mois de may l'an de grace mil CCC IIII<sup>XX</sup> et seize.

Par mon(seigneur) le duc  
Vous present

Archives départementales de la Côte-d'Or  
[www.archives.cotedor.fr](http://www.archives.cotedor.fr)